



*Selasa, 27 April 2021*

**Ogen : Matius 6 : 34**



**Ergailah Wari Si Sendah**



***Bernafaslah, lepaskanlah, dan ingatlah diri anda bahwa saat ini satu-satunya waktu yang anda miliki secara pasti*** enda me sada hal sinipesanken Oprah Winfrey sekalak diberu si ngenanami melala perbeben ras tekanen ibas kegeluhenna, tapi la ia nggit talu erkiteken perbeben e, ia la iergai kitik kitik nari, iperkosa ras terlantar. Tapi ibangunna dirina, bangkit ia janah genduari ia seh kal terkenalla i belang-belang doni enda. Ia terbuka ibas kai sinialamina gel-gel tapi semangatna mbangun dirina ras kalak sideban ia jadi motivator dunia. Pesan enda ngataken man banta kai pe sinialami kita ula kita mate ibas perbeben ras kiniseranta, tetaplah hidup dan bernafas, ergai dirinta ras kesempatan selama kita nggeluh ibas doni enda. Adi sendah nggeluh denga kita banci denga kita berkarya tetaplah berbuat yang terbaik. Pengalaman Oprah Winfrey enda mereken semangat man dirinta , gelah la kita ngenen lalap kumas kekurangenta. Tapi siinenna "hari ini", wari si sendah, banci denga ia erkesah, janah enda me siipesehna man banta kerina. Anem gia covid 19 lenga erkedungen ntah ngasa ndigan, ula perbeben si 1 tahun e lanai kita ngidah uga belinna keleng ate Tuhan man banta sedekah enda, pelin-pelin pasu pasu Dibata man banta, simpar keleng ateNa si gejakken kita, tetap denga iberekenNa man banta kegeluhen, sehat denga kita ras isi jabunta. Matius 6 : 34 ngataken man banta " Ola aru atendu kerna wari si pepagi, sebab pepagi lit denga ka nge si man ndelenken. Labo padah itambahi kiniseran si sendah alu kiniseran si pepagi". Arah kata enda ngejuk kita, cukup me sendah siukurken sebab gancih wari gancih ka siman alanken ras perbeben si reh bas kegeluhenta. Ula kita mbiar, adi ibereken Dibata denga kesempatenta wari enda tetaplah silakoken simehuli siisi kegeluhenta alu hal si positif ras mbangun dirinta.